

四庫全書薈要·乾隆御覽本

集部

御定歷代賦彙卷七十一

農桑

稼穡惟寶賦

宋 范仲淹

資時者稼穡務本者惟王頌民食而可貴為國寶而允
減田疇播植之時豈慙種玉食廩豐登之際寧讓滿堂
稽彼前賢垂諸大雅謂養民而可取必重穀而無舍惟
農是務誠天下之本歟以寶為名表物中之貴者耒耜

無廢黍稷是崇每訓耕耘之績如敦追琢之功闢五土
之時披沙豈異載千箱之處照乘攸同蓋以順彼天時
美茲政本觀艱難而有獲稱瓌竒而何損年多膏澤連
城之價可期瑞有嘉禾希代之姿奚遠是知寶金璧者
見棄於聖人寶稼穡者克濟於生民得之則九年利用
闕之則百姓食貧多既如雲寧愧白虹之氣祈於元日
似求赤水之珍其或剖巨蚌以勞心攻他山而竭力在
寒暑則非民之服在饑饉則非民之食徒聞賈禍之辱

莫見作甘之德曷若我東作可嘉西成不忒既堅既好
亞父欲碎而何能如京如抵季子比多而莫得念茲在
茲百王不移此盈疇而是貴彼韞櫝而何為見三時之
有倫如分三品與四民之共給胡畏四知今國家崇后
稷之功廣神農之道既豐年以為瑞蓋惟穀而是寶故
能當庶之風告成穹昊

萬寶告成賦

明
葉向高

我皇上躬神聖之至德撫豐融之休辰決天閩開地垠

醲化鬱其醇流嘉祥降而紛綸八方茹祉九扈肇春望
青壇之嶽立兮既徵祐於明禋迨甸人之告壤兮值萬
寶之咸陳爾其金風協候蓐收戒晨當乘兌而執矩覓
斗杓之西循農勤望歲風美歌幽遵原隰兮夷猶遡帝
澤兮中丘遐旣雲鬱邇陌黛收峻壤腴沃平野膏流興
有滄而混色兮繼於皇之來牟嘉穎尊尊以離合兮結
方阜於西疇其種則植稗種穆糜芑稻梁高黍油油下
稊穰穰農師莫籍其數田畷靡辨其方其實則兩岐六

穗合苞露房連莖異隴玉粒紫芒大田之所未誦后稷

之所未嘗紹厥明於往禩播大有於僻荒於是萬夫之
長百室之鄉協千耦循畛疆莖笠糾鉅艾將既合沓以
鱗次復比櫛而雲翔巍困積於中野兮何抵京之相望
也殷倉箱以絡繹兮云我稼之登場也亦有秉穗之滯
遺兮蕃不盡於蓋藏豈胼胝之弗念兮用歌詠乎時康
曰玄秬黃薺冬稌夏穉兮亦輝載乎縹緗况茲擢秀與
稠華兮兼畝棲乎餘糧信九穀之既登兮婦子寧止合

兆姓以騰歡兮曰帝錫汝粵先疇之初動兮清明艱於
舉趾朱明未霑於震霖兮嗟既愆乎耘耔帝用軫彼農
艱兮曰余心其如燬躬圭璧於蓀壇兮却鸞輿而步履
睽雲漢之焦勞兮軼遐躅於彼美皇穹矚帝之精誠兮
驅虜龍使行雨旱魃倏而遠逝兮溘商羊之旋舞隱隆
碑礧以汎濫兮巨東臬與西潁伊黍苗之芄芄兮儼神
功之揚詡紛坎坎其擊鼓兮爰敬述夫田祖豐亨有象
兮民力用普匪帝格天兮孰潤澤此下土帝謙讓而弗

處兮曰民勞之未綏彼三時之樹藝兮重以寒暑之其
咨爰自天以降康兮雨暘惟時莫蒸民於乃粒兮豈曰
余私薦馨香以答貺兮陳桂酒與椒醑埋蒼毀於后土
兮亦用賽乎神釐命太史而書有年兮徵似續於來茲

萬寶告成賦

明 趙用賢

維聖皇之臨極兮垂宏覆於四方念民食之惟寶兮祈
昊穹之降康猗精運而誠感兮肆受祐於我將迺嘉歲
之肇登兮編區種以呈祥自倉庾之鳴春兮農人力耒

於耘耔方雲鍾於四野兮錢鏹復集乎東菑竚甘雷而
不降兮呼號屏而嗟咨帝曰吾民其何辜兮惟朕德之
無以迎釐澄心謁款於天神兮屈萬乘而步履擗玉蕊
以為方兮揭瓊漿以為醴謂天視之自民兮詔羣牧交
修乎愷悌惟太清之鑒誠兮乃灑乎靈液之彌彌暨茲
大火亘於坤維兮素節扇乎迅商土膏既滋液於震霖
兮嘉生紛其繁昌將神明之樹藝兮抑方宿之垂芒迎
金風而薦實兮浥玉露以含芳赤穰鋪荼兮白苗垂穎

北里之秬兮如林瓊山之穗兮盈畛夫何隨侯明月錯
落於原疇兮懸黎結綠物乎閭井茲固滲漉於鄭白之
沃兮抑還天行之亨也夫豈惟農夫之慶兮翳當宸之
所珍也輒炎劉之六穗兮跨蒼姬之異莖彼中牟與會
稽之產兮曾何足以侔禎爾乃聯千耦以徂隰兮操鉏
艾而穫之築場圃於中野兮納重糶而聚之取困廩於
三百兮羌遺秉其載路子媿婦其拾資兮懷聖世之多
祐維高廩之蓋藏兮譬櫛比而墉崇為清醪以冷醴兮

且息餐以報豐躋公堂而稱壽兮輸秸稈以給公彼倚
市而雜若兮寧與蘆蓑乎絜功天子既嘗之以雞兮乃
奉盛以告潔明馨薦兮蕙苕薌合蒸兮蘭藉曰時不害
而民和兮茲用薦信乎瑤席嘉蒸民之既粒兮吾其陳
常於下國彼中唐之朱草兮暨春圃之華平雖皇王之
嘉瑞兮曾何佐於藜蒸豈知農殖之華秀兮繫民命之
所生世含哺於穰歲兮固將錯陶象而解義繩帝且曰
茲百寶之盈兮自田家之作苦當糾筮以茶蓼兮曾不

避乎日午雖一粒吾詎忘兮及高皇之涯武發陳陳以
振業兮皇基與天乎終古亂曰惟聖至仁撫萬邦兮一
德升聞格九光兮溫液灑溟地獻祥兮壽收西陸繁百
昌兮神人胥慶樂且康兮惟聖萬壽祝無疆兮

萬寶告成賦

明王 萱

夫惟朱明弭節長庚耀芒蓐收宣令金帝持綱涼風載
於四裔清露隕於高蒼肆蟋蟀之潛處紛鴻雁以南翔
雜墜葉兮騷屑澹微波兮渺茫予乃遡觀元化側覽四

荒寫荔服於湘渚做巾車於柴桑投迹乎明農之野寓
目乎登稼之場維時百穀紛糝穡人奔走倉箱駢羅婦
子先後均萬井之色笑繁百室其相守善銍刈而藏之
書之國史乎曰大有有父老倚杖來前曰融融乎熙熙
乎此鄙人所為終年服力而旦暮告休也予適然曰噫
嘻爾父老殆湛於所樂而未睹所繇者也方今聖明撫
運宵旰惟憂罔敢即康民瘼孔求祝融專戒屏翳永道
揚晴氛於九衢將播虐於千疇爰居齋寢爰禱園丘百

察祇慎六事殫修滯獄遽啓逋臣見收豈雲漢之為儷

庶桑林乎可侔帝閣垂睇乎天關巫咸歷閱乎神州豐
隆鏗匄研礪以來下屏翳零靈滄渚而傍流轉旋雨暘
以洎有秋於是重糝聿興苔穎畢發螟螣罔侵堅好斯
茁九土用均三時靡奪共焦心於薤草之期而鼓扑於
肅霜之月若夫層霄咫尺王畿千里扶風西迴馮翊東
峙納秸納程納粟納米載納之穗各惟速遞用實簋簋
芳薌薦止縮酌言沈七鬯嘉旨隘卜莖之垂垂卑九種

之纚纚神明饗之謂嘉德罔違宜爾孫子也又若徹侯
朱印上公華轂思皇多士列辟羣牧錫圭瓚於恩綸資
服勤於公餼展原思之貞廣晏嬰之粟莫不仰被仁孝
俯修親睦卿大夫頌之謂豐年穰穰受天百祿也又若
邑屋鱗湊保聚芋綿遺秉滯穗甫田大田興吟度曲炊
雕割鮮絕眊隸之煩響悅親知之話言惠而好我樂以
永年底人戴之謂粒我蒸民受祿於天也又若綠睛結
骨鑿齒貫脣脂轄望星操艦覘風竒琛異璧明珠大弓

屆爾時日及於會同則見天子致孝寢廟修禮辟雖主
鬯攸虔黍稷是崇方且焚前殿之珍裘却西域之飛驄
異俗化之謂天子有道瑞以年豐也今子道遙泰熙之
時沐浴聖明之德喜終歲之甫休忘九重之霈澤其猶
康衢之民何有於帝力也父老投杖而謝曰微子之教
幾與草木共其榮瘁飲河海忘其本源矣遂相與奮袂
而歌曰世運啓兮聖王垂至仁兮萬方成穡事兮相將
歲復歲兮樂康

老圃賦

宋 洪咨夔

嗟余生之刺乖甘佃密而即疏痛虺隤其倦遊羸盤薄
乎閒居老既怯於山嶠窮莫備乎澤車坐玩相牛之經
閱鈔種樹之書五十步兮野園數百步兮破廬一秃翁
以自樂羣癡兒而共鉏冰解寒祛霏開日舒濯濯我畦
瀏瀏我渠穉甲怒長鮮莢蔚扶涉熟成趣驩然忘劬翁
放鉏頽兒而言曰汝亦知夫世有過不遇之蔬乎駕釀
施蓼醯醢侑藟蒲羞鼈食菘薦魚芥醬且葢葱溲且

胸烈有桂椒滑有堇榆已多乎燧人庖義氏之初而况
織翠屠蘇殷紅氍毹淋漓觴犖轟厖鐘竽猩脣豹胎之
鼎素龜紫駝之廚始饒涎其趨新中便腹而厭餘於是
葷臊望風而引卻芳辛候色而應須擷翠茗於崑丘撮
瑤穎乎方壺蔗漿盛夏而凍合萍虀祁寒而煖敷行以
白玉奉之綠珠五侯鯖芳遜美天酥阨兮失腴此其遇
合不啻初識之機雲晚見之嚴徐也若乃巖壑棲遲竹
屋槿籬尊擅場於秋風空結鱸魚之思韭爭長於春雨

未辨黃梁之炊荻生而河豚上橙熟而蟹螯肥指雖動
而莫驗腹不負其幾希已而凌寒采薇近陽刈葵祛萱
堂背檐芹澗滑鏡黃獨之雪苗筐白薤之露蕤茗蘼蕪
以滌煩醪枸杞而補羸冷淘煮芍槐茁餌饨斫方藟滋
泣膏劔芍電突飫糞火芍蹲鴟酣糟紫萐之掌沐醯青
陳之絲雲蒸鷲粟之乳濤洵胡麻之糜輪困鶯鳴之瓠
鬱屈龍蛇之芝娑娑熊蟠之菘藍髮蚪髯之浴鱗孕子
兮梭魚鼈解裙芍樹雞竹競綉芍稚子蕨初拳芍小兒

以至太華之藕黃河之茹婆羅之波稜大宛之苜蓿南
越之鹿角江東之專蹄與夫蜀之雞蘇龍鶴枳脯加皮
名器紛綸色光陸離性異溫涼氣分王衰芼擇加精調
脍得宜香聞爽心味適解肴有舉按之接敬無輟釜之
見欺芬芬苾苾雜陳更進可以甦文園之渴療首陽之
饑彼其石芥老而愈勁苦笋少而已竒焯育拂士之風
菊抱幽人之姿回睨蔓菁隨地而易質著損視人而變
形曾不滿乎一啗矧肯數乎惡莖邪蒿臭蒜而穢萎然

是蔬也進不榮於珥貂鳴玉之齒退不豪乎灑削胃脯
之頤煙雲歎薄乎夜讀之吻風露簸蕩乎朝吟之脾與
齋盃其爭道食方丈乎何期其不遇可知已兒拱而前
其然豈然諸葛以姓行元修以字傳王粲得坡老而重
銀茄為浩翁而妍與其見賞於肉食之鄙孰若託名於
梓茹之賢蓋窮患媵名之不立而不患併日之食粥達
患宿學之不能行而不患一筋之萬錢苟道義之信飽
飯蔬食而樂焉翁捧腹一笑長歌振林皎白駒之束芻

母金王方爾音

水輪賦

以汲引之道成於運輪為韻

唐陳章

水能利物輪乃曲成升降滿農夫之用低徊隨匠氏之
程始崩騰以電散俄宛轉以風生雖破浪於川濬善行
無迹既幹流於波面終夜有聲觀夫斲木而為憑河而
引箭馳可得而滴澀輻湊必循乎規準何先何後互興
而自契心期不疾不徐迭用而寧因手敏信勞機於出
沒惟與日而推移殊轆轤以致功就其深矣鄙桔槔之

煩力使自趨之轉轂諒由乎順動盈科每悅於柔隨遠
望蹄涔詎有朱殷之色挹茲鱗起終無塗附之期作霖
或自於斯干流濕更彰乎就燥回環潤乎嘉穀洵至踰
於行潦鈎深致遠沿洄而可使在山積少之多灌輸而
各由其道爾其揚清激濁吐故納新輟桃花之活活搖
杏葉之鱗鱗一勺每勞於濡軌三材必賴於工人浴海
上之朝光升如日御泛江中之夜影重似月輪常虛受
以載沉表能圓於獨運低徊而涯岸非阻委曲而農桑

是訓惠可周於地利空霑負郭之田材足任於天津多
寄臨川之郡池陂無漉畎澮既瀦用能務實勢欲凌虛
磬折而下隨茲彼持盈而上善依於當浸稻之時寧非
沃壤映生蒲之處相類安車異矣哉俯此溝塍潤於原
隰成形必仰乎膏雨屈已且安於卑濕苟量遠大之功
庶無慙於甕汲

水車賦

宋 范仲淹

器以象制水以輪濟假一轂汲引之利為萬頃生成之

惠揚清激濁誠運轉而有時救患分災幸周旋於當世
有以見天假之年而王無罪歲者也當其東作云布西
成以期何密雲不雨兮若焚若灼而大田多稼兮如渴
如饑耒耜之功既至倉箱之望將危豈無陂池抱甕之
行曷濟亦有溝洫挈瓶之利胡為乃有智者樂水而起
予梓人治材而和汝謂一溉之可洽俾百兩之斯舉固
無傷於濡軌軋軋臨川初有認於埋輪翹翹在渚是車
也匪疾匪徐彼水也突如來如補畎畝之不足損谿壑

之有餘渤滴騰波忽若刺山之泉湧潺湲去浪漸如澄
江之練舒詎見瓶羸那慙綆短流洋洋兮乍若膏潤苗
欣欣兮初如律暖載脂載牽幾通鄭國之渠弗馳弗驅
自解成湯之旱動將勢旋發與機會既引重之象著亦
救焚之功大河水澆澆得我而不滯不凝原田每每用
我而無災無害仁常汲下智復鈞深於以見因民之利
於以見洗物之心若夫大禹之年應資治水必也高宗
之世亦命為霖至如賢人在輔德施周普五日一風十

日一雨則斯車也吾猶不取

野燎賦有序

唐崔湜

先天二年十月僕客於郢山之胡氏胡氏之子體道知命與僕有忘年之厚焉常以暇日登高縱觀見火燎於野壯而偉之因謂僕曰吾讀文多矣未嘗見有賦於是者試為吾賦之僕時負譴觸物多興援毫斐然豈近聲律其詞曰

郢國東走楚藩南極江關蒼茫千里一色在季月之窮

會方短辰之驟匿霜皚皚而夜塗霰淅淅而朝逼百草
同死萬木皆枯瞻彼灌莽鞠為榛蕪葉煩拏而積蔓枝
擁腫而盤株既攘壑以擢阜亦纍脰而冒塗及乎農聚
告畢澤虞縱燎遠靡不焚近無不燒灼地而山川卷色
炎天而日月頽照固玉石以俱銷何芝蘭之不漙豈害
物以利獲將順時而通教沃我公田之饒遂及我私之
效盧城之曲客遊者聞之訊之其足觀也乃命我賓僕
東吾征馬登於高岡一瞰平野是時牧童樵豎匍匐交

馳提爇秉炬斯焉取斯爾其雜棘崇蘊縮茅始吹殘芳
未熬短炬猶羸或蠢蠕翁勃或宛延冶迤晶翳翳而莫
振力緜緜而可羈不利進而求退每違高而趨卑狀君
子之攝勇同哲人之守雌及乎旭日照爛晴風蕭索憑
燥鼓威倏忽而作光皜皜而傍翳氣瞳瞳而上薄翻紫
燄於半天迸紅星而四落驕爾電烈雄然雷奔泉汨颺
颺沙騰霧昏其始也杳然若六氣含象開混元其少進
也赫焉若十日揚光登天門迫而察之既似乎驚鑣失

轂駭平原遠而望也又似乎列羽攢旗馳塞垣於是走
熾狂迂衝煙怒擊咆林吼叢欲谷歆壁或霍濩以燐亂
乍轟鳴而搗拍颺如萬壑之岸崩拉若干巖之石圻經
雪窟而歎靄突冰凌而涕液棲禽失竄以驚啐伏獸迷
奔而墮蹶應接不既吁其可畏能使烈士賈勇懦夫增
氣開耳目之溷濁蕩胸襟之滯欬登農山之嶺既瑣瑣
馬觀廣陵之濤亦復何謂及乎矢盛亢極途窮勢摧赫
赫埽地滅成煙煨何倏興而忽歇何有往而不來無介

推之生氣見韓安之死灰僕乃愀然歎息而謂胡公曰
夫物忌太甚火亦如之得茲在茲失茲在茲徒觀其進
德并命策名逢時三階式踐六柄初持方望會於朝論
亦謀明乎帝思居則擊鐘陳鼎出則長戟幡旗咄嗟而
嚴霜夏落頽盼而腐草冬滋道路多望塵而拜朝廷以
轉目相期及乎過進受傷滿盈致缺或身辱名替或氣
聚心折或朝失卿相之權或暮為匹夫之列客稍引而
多去友雖求而已絕高門翳羅雀之叢曲池淪涸魚之

輟伊馘馘而不禁固炎炎而就滅聊假興於斯文庶投
鑒於來哲

耽犂子賦

明
練子寧

閩粵之區有生號耽犂者耕於寬閒之野而老於熙皞
之鄉以告松月居士曰吾拙於進取而惟犂鉏之是耽
安於蹇窮而惟稼穡之是務方吾犂之在手也茫乎其
無思熙乎其自怡不啻執圭秉璧之榮而運斤游刃之
適也夫是以取而自名子其為我賦之居士曰嘻子知

所以得遂夫耽犁者乎天生蒸民紛然有欲強則凌弱
衆則暴獨非神聖之首出孰克為之司牧藹德禮於春
生凜威刑於秋肅夫婦以別父子以屬彞倫是敦風俗
返樸夫故士得以遂其詩書商得以通其販鬻工得以
措其巧於方圓農得以盡其力於種稼昔者堯舜在上
皞皞熙熙康衢擊壤幼恬老嬉湯武革命應天順人漸
仁摩義頌聲以興洎戰國之爭雄遂下逮夫秦楚開阡
陌而廢井田窮干戈而瀆威武民生斯時何所控訴漢

祖大度文景無為光武明章世紹丕基藹黎民之醇厚
幾刑措於斯時魏晉以降五代分爭裂冠分冕羶穢相
仍偉唐室之開基繇太宗之神武感魏徵之仁義歎封
彝之莫覩曾未幾何藩鎮跋扈更歷五季民困常主及
乎宋室之興削平僭亂開文明之景運幾跨唐而軼漢
休養生息三百餘年彼番番之黃髮咸沒齒而無怨元
氏之哀羣雄奮起鹿逐鯨吞瓜分鼎峙哀蒼生之紛藉
轉溝壑而未已赫焉皇明如日之升櫬槍渙其冰釋魑

魅匿而無形接統乎千歲受命於穆清偃武修文坐致
太平出斯民於塗炭化愁怨為歡聲是以四海之內無
一夫之不獲皆女織紵而男農耕向使世塗方難真人
未出於斯時也救死而恐不贍又何暇耽犂鉏而樂溝
洫自今知之服膺弗失雖耕田而鑿井皆詠歌夫帝力
貧窮相資患難相恤租必先公食必先粒耕必讓畔以
同歸乎吾皇之極於是耽犂生仰而謝俯而揖請書諸
紳服之無斁

桑賦

魏繁欽

上似華蓋紫極比形下象鳳闕萬桷一楹叢枝互出乃
錯乃并曄曄隆暑涼風自生微條纖繞隨風浮沉陽蜩
鳴其南枝寒蟬噪其北陰秋氣忽其將來咸感節而悲
唵玩庇蔭之厚惠情眷眷而愛深

桑賦

有序

晉陸機

皇太子便坐蓋本將軍直廬也初世祖武皇帝為中壘
將軍植桑一株世更二代年漸三紀扶疎豐衍抑有瑰

異焉

夫何佳樹之洪麗超託居乎紫庭羅萬根以下洞矯千
條而上征豈民黎之能植乃世武之所營故其形瑰族
類體豔衆木黃中爽理滋榮煩縟綠葉興而盈尺崇條
蔓而層尋希太極以延峙映承明而廣臨革飛鴉之流
響想鳴鳥之遺音唯歷數之有紀恒依物以表德豈神
明之所相將我皇之先識誇百世而勿翦超長年以永
植

桑樹賦 有序

晉傅咸

世祖昔為中壘將軍

盧種桑一株迄今三十餘年

其茂盛不衰皇太子

以此盧為便坐

伊茲樹之僥倖蒙生

惠降皇躬以斯植遂弘茂

於聖世厥茂伊何其大

修柯遠揚洪條梢椹布繁

枝之沃若播密葉以垂陰蔭華宇而作涼清隆暑之難

任以厥樹之巨偉登九日於朝陽且積小以高大生合

抱於毫芒猶帝道之將升亦累德以彌光湯躬禱於斯

林出獲雨而興商惟皇晉之基命爰於斯而發祥從皇
儲於斯館物無改於平生心惻切以興思思有感於聖
明步徬徨以周覽庶髣髴於儀形

桑樹賦

晉潘尼

從明儲以省膳憇便房以偃息觀茲樹之特瑋感先皇
之攸植蔚蕭森以四射邈洪榮而端直爾乃徘徊周覽
俯仰逍遙俛睨靈根上眺修條洞芳泉於九壤含溢露
於清霄倚增城之飛觀拂綺牕之疏寮下迢遞以極望

上扶疏而參差匪衆鳥之攸萃相鳳鸞之羽儀理有微
而至顯道有隱而應期豈皇晉之禎瑞兆先見而啓茲
起尋抱於織毫崇萬筭於始基

蠶賦

周荀卿

有物於此儻儻兮其狀屢化如神功被天下為萬世文
禮樂以成貴賤以分養老長幼待之焉而後存名號不
美與暴為鄰功立而身廢事成而家敗棄其耆老收其
後世人屬所利飛鳥所害臣愚而不識請占之五泰五

泰占之曰此夫身女好而頭馬首者與屢化而不壽者
與善壯而拙老者與有父母而無牝牡者與冬伏而夏
游食桑而吐絲前亂而後治夏生而惡暑喜溫而惡雨
蛹以為母蛾以為父三俯三起事乃大已夫是之謂蠶
理

蠶賦

晉楊泉

惟陰陽之產物氣陶化而播流物受氣而含生皆纏絲
而自周伊夫蠶之為物功巨大而弘饒成天子之袞冕

著皇后之盛服昭五色之玄黃作四時之單複是以皇
者貴此功焉使皇后命三宮之夫人及世婦之吉者親
桑於北宮二月初吉遂布令於天下百辟兆民使咸務
焉是以仲春之月吉日庚午既差我馬惟蠶之祖編使
童男作以童女温室既調蠶毋入處陳布浣種柔和得
所晞用清明浴用穀雨爰求柔桑切若細縷起止得時
燥濕是俟逍遙偃仰進止自如仰似龍騰伏似虎趺員
身方腹列足雙俱昏明相推日時不居粵召役夫築室

於房於房伊何在庭之東東愛日景西望餘陽既酌以
酒又挹以漿壺餐在側脯脩在旁我鄰我黨我助我康
於是乎蠶事畢矣大務時成閣紆卷薄灑掃宮庭蠶母
須飾從容自寧至於再宿三日乃開闔啓房是瞻是觀
方者四張員者紆盤縱者相屬橫者交連分薪柴而解
著繭絲互而相攀競以拏攫載笑載言惰者悅而忘懈
劣者勉以增勤是月也天子以太牢之禮獻繭於寢廟
皇后親繰三盆然後辨於夫人世婦至於百辟卿士下

及兆民咸趨縹事爾乃絲如凝膏其白伊雪以為衣裳
冠冕服飾禮神納賓各有分職以洽百禮罔不斯服夫
功也起於縣縣成於翼翼頌之難周論之罔極殷斯勤
斯如何勿憶

蠶賦 有序

唐
陸龜蒙

荀卿子有蠶賦楊泉亦為之皆言蠶有功於世不斥其
禍於民也余激而賦之極言其不可能無意乎詩人碩
鼠之刺於是乎在

古民之衣或羽或皮無得無喪其游熙熙藝麻緝纊官
初喜窺十奪四五民心乃離逮蠶之生繭厚絲美機杼
經緯龍鸞葩卉官涎益饒盡取後已嗚呼既豢而烹蠶
實病此伐桑滅蠶民不凍死

獻繭賦

以將以給宗
廟之服為韻

唐
李君房

冠六宮六職者公桑而已矣既卒蠶於世婦乃奠繭於
天子稽諸祭典實可重考諸女工斯為美信率土而在
茲亦奉先而是以當其令布明堂時更青陽蠶事既卒

女工式臧然後衣禮服出棘牆奉茲珍爾盈彼懿筐累
累乎如將薦卵皎皎乎有類凝霜既依於后亦獻於王
所以申課績之勞止展威儀之孔將遂繅三盆修六服
或黼或黻或朱或綠期有事於王公庶無勞於杼軸侯
其偉而實足尚之享廟之容克備展敬之禮允釐斯蓋
夫人之畏慎王者之肅祇不然者賦有織紵之筐貢有
畎岱之絲海人奉冰蠶至止園容將絲緒來茲冠冕之
服可成祭祀之儀可輯可以重其珍美可以揚其褊襲

何必桑壇而世婦斯復繭館而夫人乃入俾來者既殫
恒日不暇給蓋欲輸於勤苦表我敬恭厚禮奉於先祖
躬勤勸乃農功使三宮之有序斯百代之攸崇是以獻
繭之道治國之要將取媿於三推明至誠於九廟

春蠶作繭賦

明 沈朝煥

皋塗之石于闐之陌西陵春令爰作爾宅或降於原蛾
飛五色有女微行取彼柔桑以飼以浴敷此繭鄉既命
繅於妃教亦幻迹於龍場蛹以為雌蠅以為雄二十七

日從老得紅儀候至之室窈溫葭以必闕橫棲止之筠
岌差我以山崇爾其歛吻罷饒固於中函營絲吐忽老
洩而緘戰玄黃於儵忽藏白賁於韜鈴其繚繞也如宓
妃之緝霧其鮮潔也若鮫人之杼冰周法以網蔽第以
紛或疎或密一縱一橫機工墨色而讓巧文士索管而
遜精憑脣吻以默運不手足而自營若乃縟張類散質
素比雪累累果實之就樹霏霏瓊琳之吐屑客妻獻如
甕之祥嶠仙締入火之纈蜘蛛腹果以無功螳螂頻臂

其若折匪空作花匪蟲入穴匪卵累殼匪巢架樾摘天
孫之雲章擅前民之明哲亂曰踟躕兮若蝟委蛻兮若
蟬譬彼化人以禪自纏內其身而身亡經綸以為世者
亦莫不然胡巧而拙其蟲而天入機出機爾何知焉聊
以益吾釣緜之嫋嫋而賁於丘園之芟芟

素絲賦

以貞素持質
功濟為韻

唐張良器

羽雖白賁然而輕玉雖白堅然而貞未若素絲之為用
以轉化而為名匪剛克以居禮實柔立而有成其正也

可以如繩之直其順也可以統指而縈故能紛以隨時
浩然養素揮流水則轉增其妍染繪色則不吝其污動
必隨人寸無恒度其來也何所自園客而出茲厥賦也
何地由岱畎而貢之俯乎列井將稽恍氏之練實乎澤
器徒為墨子之悲信干旄之望美非庶士之可持不願
充嫠婦之緯不願託寒女之絲因弄杼以成韻庶補袞
而為期代若好五采我則大白以受質代若厭羣居我
則衆縷以為匹非異俗而招累將矯世而撫實夫其公

孫奉駕長倩趨風贈以生芻之束勗以素絲之總蓋取
諸自微之著積小成功君無謂我微君無謂我細若綦
之可織則假手以成勞如裳之可縫則因緣而善繫功
無不給物無不濟彼服卉佩蘭衣荷帶蕙念牽絲之無
日傷考槃之失計今將侔潔白以修身詠羔羊而取媿
儻黃絹之可比希管崩而無替

素絲賦

以貞素持質
積功為韻

唐喬潭

色之真者尚乎白質之細者珍乎絲真則貞而潔矣細

則積而多之故君子輔德是務清以自持將經綸以濟
物先組織以修詞惟絲之故不慤乎素組以飾馬言好
善而不忘純之在羊時退公之有度始也重蠶事終婦
功促季月候戾風爰求柔桑寧止於十畝既登分繭乃
布於三宮至若三盆既繰八月成績方勤水練爰去地
尺晝曝於日吸太陽之光華夜懸諸井濡厚載之靈液
於是典絲瞻臨恍氏引繹引之於手如皓鶴之飛承之
以筐若凝霜之積既而嬪婦化理經緯縱橫當軒方媿

娜之織弄杼方軋軋之聲映羅袖而增麗度金梭而轉
明每知白以自守亦含章而可貞夫以白能受采文匪
勝質故公孫戒於從微墨翟悲其患失青為轡方非擬
朱為繩方未匹珍蠶恥越鄉而來獨繭嗟自園而出唯
彼蚩蚩之喻無愧皎皎之實乃續曰絲之素方貞且吉
人之質方清且一若見用於當時寧七襄於終日

機賦

漢王逸

帝軒龍躍庶業是昌俯覃聖恩仰覽三光爰制布帛始

垂衣裳於是取衡山之孤桐南嶽之洪樟結靈根於磐
石託九層於巖傍性條暢以端直貫雲表而剗良儀鳳
晨鳴翔其上怪獸羣萃而陸梁於是乃命匠人潛江奮
驥踰五嶺越九岡斬伐剖析擬度短長勝復迴轉剗像
乾形大匡澹泊擬則川平光為日月蓋取昭明三軸列
布上法台星兩驥齊首儼若將征方圓綺錯微妙窮奇
蟲禽品獸物有其宜兔耳踞伏若安若危猛犬相守竄
身匿蹄高樓雙峙下臨清池遊魚銜餌澆滯其陂鹿盧

並起織繳俱垂一往一來匪勞匪疲於是莫春代謝朱
明達時蠶人告訖舍罷獻絲或黃或白蜜蠟凝脂織織
靜女經之絡之爾乃窈窕淑媛美色貞怡解鳴珮釋羅
衣披華幕登神機乘輕杼覽牀帷動搖多容俯仰生姿

織機賦

吳楊泉

伊百工之為伎莫機巧之最長似人君之列位象百官
之設張立匡郭之制度如城隅之圓方應萬機以布錯
實變態之有章是以孟秋之月首叙庶物工民呈材取

彼椅梓楨榦修枝名匠騁工美乎利器心暢體通膚合
理同規矩畫法因事作容好無不媚事無不供於是乎
女工就素絲輕貫綜紀簡姦清織女揚翬美乎如芒麗
姿妍雅動有令光足閑蹈躡手習楹匡節奏相應五聲
激揚濁者含宮清者應商和順成柔慷慨成剛屈伸舒
縮沈浮抑揚開以厭間闔以高梁進以懸魚退以俠疆
氣變相應陰感乎陽僂俛不及進卻頡頏事物之宜法
天之常既合利用得道之方

布賦有序

明徐獻忠

邑人以布縷為業農忙之困藉以稍濟然其為生甚疲
苦非若他郡邑蠶繅桑苧之業力少利倍者可同語也
然天下所共衣被而詳其衷者甚寡於是核其事告諸
觀風者作布賦

客有至吳下邑覽織婦之布素歆卉物之流澤收島夷
之末計啓閨房之長息迺喟然而歎曰美哉布也是固
一匹可以愧盜心不得千金之償約者歟何齋者之逐

逐而拾者之堇堇也下邑之士曰羅紈繡文素締錦綾
長裾交褱流景飛晶此居者之所揚輝而觀者之所凝
睇也子不是慕而慕諸貧民之業亦有說乎客曰布通
貴賤之服不擇溫涼而適其為製也疏陋縑縐密殊絹
縠有毳氈之毛毳齊縞素之潔白賤靡綺之浮華傷貝
錦之徒飾孺夫匹婦可濟其乏缺通都大邑與千乘之
富相埒豈虛言哉曰子何不傷其勞而徒羨其美不稽
其私而徒誇其會子亦欲聞其勞且病乎若乃鐵木相

軋手挽足壓且餒且劫出絮吐核牙弓挂弦弦急聲噓

牽條絡車呶啞錯雜借光於膏繼夜於日心急忘寐力

疲歌發衾簟空寒漏水寂溢婦子喧闐老穉畢力容曰

若是勞乎曰未也嫠婦卷袖妖姬解珮含秋入機凝寒

弄杼流蘇綰綜一伏一起踏躡相次上下不已縷斷苦

接梭澀恐膩手習檻匡聲揚宮徵長夜淒然得尺望咫

寒雞喔喔解軸趨市方是時也母聞謗而不暇投杼妻

迎夫而帖然坐起容曰若是勞乎曰未也織婦抱凍龜

手不顧匹夫懷饑奔走長路持莽莽者以入市恐精麤
之不中數飾粉傅脂護持風露摩肩臂以授人騰口說
而售我思得金之如攫蝎賈師以如父幸而入選如脫
重負坐守風簷平明返顧客曰若是勞乎曰未也婦辭
機而望遠子牽裳而慙饑先潔釜而待米旋汲水而候
炊語少待以相慰既久竚而始歸夫嬰嬰以捐涕云攘
攘者在途索子錢而不釋併布母以如飛夫狼攫虎噉
肉寒骨解無一語之抗聲猶三嘯而稱怪握兩手以授

之拂空拳而吞歎雖卒歲之靡從完小信而不怠是豈
但一婦織而衣十人殆所謂一室肥而衆俱瘵者也客
曰若是病乎曰未也海上之民土薄水淺其惡易遘枵
腹者未知其稅駕鶉衣者徒羨夫長袖夫廣儲豐積出
自農夫之耕一絲寸縷皆從匹婦之手然而繭絲告成
置蠶不問耕犁召豐於牛何有是固天下之同風惟江
南為叢數晦鍾之他稅從升塗泥之末路計斗是以手
不停機而終歲無衣窮年乞乞而不贍其口客曰何言

之過也滄海變遷化為陵陸禹土塗泥廕注滌淥禾黍
芄芄滿家彌谷貧攜白墮富樹華屋婚媾靡靡徒侶簇
簇顧今日之江南殆海內之樂國雖有布縷之征亦豈
加於穀粟何徒抱杞人之憂損名都之望乎曰否否不
然恒歲之運水毀木饑消長相代前建後除陽九陰七
聽命皇祇今昔庚申火仇馮夷亢令爍金天漢飛灰槁
土沃焦赤地坼龜既葵藜之莫采亦木棉之變衰枝無
垂拔絮罕歲蕤傾筐脫負采掇支離寡夫擁腫哲婦鴟

夷里胥蹠躐督郵喧歷無尺寸之可縫况網運之崔巍
匪凶歲之取盈抑國計之在茲當是時也雖使星婺獻
技火鼠脫鬣聲大夏之全產省公儀之百室偪陽不懸
於城雉匡廬借練於飛瀑亦何以應之客曰嗟哉下邑
之民若是病乎曰未也工以習勝巧自技生傷末路之
靡淫變素樸為華英始力作以助農終緋麗以耀名競
良工之巧思幻化國之神能於是飄絮若蓬刻縷若鬣
積歲成匹累織敵絨廣倍乎東海之二尺裘齊乎別渚

之五虹鑿以團鳳繞以飛龍綴金章以錯綠燹程草之
鮮紅爛太霞之朝采奪景鳥之晶瑩袷已浮乎龍水綃
何羨乎鮫宮蓋其技巧始於渡海之黃姬彰聞出自應
闕之鉅公忘萬家之膏腴邀一日之歡悰傳觀內近遂
入公宮一匹遂抵於千緡聯筐始達於重瞳民已窮而
益徧霜既結而冰從嗚呼嗟乎蒟醬竹杖天馬蒲萄通
西國而開越嶺窮異詭而馳臆胸啓皇武之遠略罪臣
竊之作俑朝槿不思其暮落寒灰尚戀夫冬烘竟殘桃

之取戾何獻曝之耿衷方今聖主龍飛問民疾苦諸非
著令改不暖坐首蠲茲役卹我隕仆尚衣之締繡有章
進御之浮靡不取免徭征之巨累思息肩而就卧雖紅
紗之網運尚存而貂璫之督課稍妥客乃瞿然作而言
曰甚哉鄙人不知民之痛苦若是也九月授衣猶以為
晚終歲作勞祁寒不免吾又何敢袖手以向人徒負暄
而思暖

御定歷代賦彙卷七十一

謹案卷七十一第二十五頁前四行將稽慌氏之
練按文苑英華注練疑作凍見考工記



總校官庶吉士臣張能照

校對官編修臣莫騰景

騰錄監生臣毛大瀛

欽定四庫全書薈要

集部

御定歷代賦彙卷七十二
三

詳按官秩補通政司經歷臣郭祚斌



御定歷代賦彙卷七十二

宮殿

甘泉宮賦

漢劉歆

輶陵陰之地室過陽谷之秋城迴天門而鳳舉躡黃帝
之明庭冠高山而為居乘崑崙而為宮按軒轅之舊處
居北辰之闕中背共工之幽都向炎帝之祝融封巒為
之東序綠石闕之天梯桂木雜而成行芳肸蠁之依依

翡翠孔雀飛而翔翔兮鳳凰止而集栖甘醴涌於中庭
兮激清流之瀾瀾黃龍遊而蜿蟺兮神龜沈於玉泥離
宮特觀接比相連雲起波駭星布彌山高巒峻阻臨眺
曠衍深林蒲葦涌水清泉芙蓉茁茁菱荇蘋蘩豫章雜
木榲松柞棧女貞烏勃桃李棗檉

許昌宮賦

魏
下
蘭

入南端以北眺望景福之嵯峨飛棟列以山峙長塗邈
以委蛇見欒櫨之交錯觀陽馬之承阿轉狎獵以相因

若流風之揚波木無小而不礪材靡隱而不華懿采色
而發越瑋巧飾之繁多雙轅承粉丹梁端直明牕列布
綺井崩嶷其陰則有望舒涼室羲和溫房隆冬御締盛
夏重裳同一宇之深邃致寒暑於陰陽修欄蔭於階砌
崇棟拂乎旻蒼綺發組華翡翠生光丹草周隅靈木成
行非窈窕之至貴孰能升於斯堂坐金人於闌闔列鐘
簾於廣庭天鹿軒翥以揚怒獅子鬱拂而負楨珍果敷
華蘭芷垂榮百壁照耀飛響應聲扣角則春氣至彈商

則秋風征歷神之峻觀幸安昌之巍巍進歌舞之祕
伎絕世俗而入微興七盤之遞奏觀輕捷之翩翾或遲
或速乍止乍旋似飛鳧之迅疾若翔龍之遊天趙女撫
琴楚媛清謳秦箏忼慨齊舞絕殊衆伎並奏角巧騁竒
千變萬化不可勝知樂戲闋遊觀足登承光坐華幄論
稽古反流俗退虛偽進敦樸寶賢良賤珠玉豈必世而
後仁在時主之所欲

許昌宮賦

魏楊修

於是儀北極以構椽希形制乎太微

原本闕
六字

結雲閣之

崔嵬植神木與靈草紛蔚蔚以參差爾乃置天臺於辰
角列執法於西南築舊章之兩觀綴長廊之步櫺重閤
禁之窈窕造華蓋之幽深儉則不陋奢則不淫黎民子
來不督自成於是天子乃具法服戒羣僚鐘鼓隱而雷
鳴警蹕嘈而響起掩藹低徊天行地止以入乎新宮臨
南軒而向春方負黼黻之屏風馮玉几而按圖書想往
昔之興隆

新宮賦

北齊邢邵

擬二儀而構路寢法三山而起翼室何大廈之眈眈而
斯干之秩秩豈西京之足偉故東都之所匹爾其狀也
則瓌譎屈竒瀾漫陸離嵯峨崔嵬巉巖參差若密雲之
乍舉似鵬翼之中垂布菱花之與蓮蒂咸反植而倒施
若承露而將轉似含風而欲披土成黼黻木化蛟螭布
紅紫之融泄間朱黃之赫曦獸狂顧而猶動鳥將寫而
中疲木神水怪海若山祇千變萬化殊形異宜陰梁北

注陽馬南施百楹列倚千櫨代支或據險而形固或居
安而勢危

上陽宮賦

唐賈登

天子卜惟洛食受於河圖開土陽之別館取大壯之規
模爾其則以三象當乎四術沓雲構而承天擎露盤而
洗日俯馳道而將半臨御溝而對出疑海上之仙家似
河邊之織室昔者嚮明南面十月遊巡既其避暑亦以
迎春鏤章霞布環衛星陳集諸侯則朝乎萬國張廣樂

則和乎千人得橫汾於即事將燕鎬而為鄰既而大駕
斯去華宮不御閉玉戶而藏春掩金臺而罷曙見芳草
之空積看桂花之獨著人多望幸之誠地惜離宮之處
別有洛陽下客東魯餘風辭官北部對問南宮賦甘泉
於此日希客薦於揚雄

望春宮賦

以春望郊野順
時布和為韻

唐闕名

青門之左兮層宮嶙峋資睿覽以臨下得嘉名於望春
故在東以就乎陽位當出震必俟於良辰乃發惠和式

遵夫月令無勞轍跡自表於時巡其初也度弘規法大
壯標上苑而獨出儼複道而明望遠天聽以遂於羣生
泱皇情用交乎四暢鮮飈微扇籠輕靄於高臺淑氣初
臨鑠浮光於綵仗吾君於是縱目前檻馳神遠郊散晴
煙於地表拂佳氣於林梢覩青陽之煦然載懷祈穀聽
鶴鷓之鳴矣不使覆巢布政有孚宸遊是假察微明於
遶嶠睇新綠於平野南山之翠色盈前渭水之素光在
下蓋將賦藉田於晉代豈比撰吉日於周雅美矣哉直

雲楣以重疊煥藻井以輝潤居高而遠無不臨涵澤而
動無不順諒可禔於恭默非取樂於崇峻况乎流鶯欲
轉初柳生姿懿祥風之習習增麗日之遲遲偉鳳闕之
樓臺萬邦仰止盼龍鱗之原隰五稼惟時聖上所以成
化用彰克勤是務玄功所以遐及仁術紛其大布斯宮
寧夸後之為斯望匪盤遊之故既而天地叶神人和修
文以昭士耀武以止戈然則賦望春之事宜乎播大雅
而登歌

華清宮望幸賦

以題為韻

唐李程

上苑之左兮驪山之中天作高岫帝為離宮示宸遊之
有所表聖鑒於無窮臨峻路而赫其昉昉標爽塏而屹
以崇崇惜翠華之未至閭紫殿而猶空則有望幸其中
流睇延慕希天顏而迴矚望雲闕而屢顧想恩波之東
注俯瞰渭流愛佳氣之西浮空瞻秦樹目盡煙末心馳
御路何聖慮之未還獨幽懷而能喻窮轍跡且俟玉山
之遊想車音將購長門之賦矧夫閣有朝元之美稱殿

有長生之嘉名霞駁丹檻雲攢繡楹可以召通仙之降
止安皇祥之永貞是以仰碧落竭丹誠庶日月之迴照
等葵藿而同傾濯感沸之泉每想金輿之度踐萋青之
草還思玉輦之行雖託質於別館常寄心於穆清戀戀
西向悠悠矚望步磴道以寂歷眄廣庭以寥曠竹花雖
吐如含待鳳之誠雲氣纒升若睹從龍之狀彼玉山既
遠金闕仍賒未若浮游近縣如在仙家俄天邑之孔邇
自神都而不遐雖館稱五柞殿美九華喻之於此曾何

以加惜乎神光未曠曠此佳境徒企想以忡忡復懷慕
而耿耿閉玉樹於深谷銷金鋪於秀嶺君乎君乎胡不
出宸居而來幸

晴望長春宮賦

以登陴起
遐望為韻

唐梁洽

雲收野迴兮目極千里空淨川長兮纖埃不起視河外
之離宮信竅中之特美飛重樓之沓秀繚長垣而層趾
詳巨制與宏模固一君而萬祀振秦晉之襟帶據山河
之表裏諒神功之所營匪靈光之能擬邈矣轆轤岌乎

峻嶒對華山之巔，負挾重關之股肱。文物著明則可久，可大制度豐敞則不騫。不崩來蘇之詠，已作觀風之道。斯弘遠，樹遙晴，挂長虹而欲飲，祥煙不散。俟吾君之復登宮闕，多竒樂，櫺疊施，倚萬楹以磊砢。洞千門而陸離玲瓏，玉樹則偏澄霽色，連騫繡檻則却映斜曦。設璇題以曜殿，黏楨壤以文陴。度之以几筵，則有典有則，約之以軌物，則不高不卑。當今取實去華，匪儉匪奢，搏節三代，光宅四遐。豫順以遊，御六龍而戾止，聲明自溢，奄九

有而為家且夫書稱梓材易稱大壯自昔棟宇之作未
有茲宮之狀夫長者仁壽之宗符春者發生之所向伊
嘉名之可偉乃動植之攸尚客有學古之流乃含毫而
一望

上陽宮望幸賦

唐謝觀

宮闕崇崇縈帶洛河之上據臨天地之中儼百司以環
拱流百川兮會同曷君王之未顧屹樓臺而鎮空成班
白里人或前後近侍親周公之舊制憶開元之故事當

域中之正寢實王者之定位何乃內外如一東西有異
思紫泥而日日將來仰玉輅而年年未至徒使萬室向
曙千門洞開藹臣心以西望希天睠之東迴見紅輪之
漸晚又翠華之不來及夫玉漏報更蟾輝永夜皆傾耳
以閭屬恐飛詔之潛下徒玉兔之屢虧尚金龍之未駕
是必左右獻書股肱啓謀以為王者一德合居上游以
為金城千里能制諸侯殊不知四海無虞五兵載戢與
殷周而抗節豈秦漢之能及在仁義而聿修奚險固之

是急且夫中岳為內四岳為蕃此則前控伊闕右闕輶
輶乃文公立圭之地是成王定鼎之原寧勞百二之勢
足居九五之尊所以乾乾屬望戀戀何言尚軫憂人之
念未垂巡狩之恩雖年華不負於照灼而煙花暗老於
宮垣况復伊洛王畿峻函近地往復無勞人之役邈迤
有行宮之備冀我王之臨兮示天下為家之意

乾清宮賦

明黃佐

丕鑠維明帝睠鴻德遙寧寰區烈祖受之宅離作都秉

粹精以靈承握隆燔之昌符文皇振業依黔羸而奠辰
樞繚瀛廓穹肇此天居粵乾清之祕宮總玄黃之噴薄
何富媪之蘊靈竣定鼎而後獲洎龜謀之襲契法太紫
以營度蓋以疏明淪聰儲神習體軼煩惱而游沖漠者
也稽諸邃古合宮總期黃虞之始經營而成周路寢之
所儀九筵五雉於皇拓之既普而深亦麗且彌匪維宴
娛日監在茲湫濇霄霓之中於以敬陟降而崇緝熙建
休號以詒燕謀蓋亦已百有餘暮矣越闕逢闈茂之歲

赤燥章怒鬱攸孔震結構逶涌氛侵徹旻豈琢人之嫁
雪將第舊而布新詔司空而僞工走羣靈而驅八神劔
石則無閭不周之岷掄材則荆揚岷莪之阻輓修緯則
山善稠叢伐輪困則雷闐邪許驥駢駘嗑淫淫與與揮
汗為瀦芟日成暑陶埴鍛厲之屬莫不臚分其曹伍於
是乎揆日晷驗星文陳圭臬絜廣輪宗伯獻模林衡效
勤馨聲鞞岳鍤徒篲雲擾人司墜匠慶揮斤約築削屢
子來以趣役者虎躍而霆奔既乃考工畧計以萬雕摩

維精資輪飾與炯然陽化爍爾陰泮奪真巧於大鈞雖
鬼神其猶憚故其為狀也豐融曼衍揭葉崢嶸縵縵莫
莫膠流交嬰邈穹隆以闔壯亘碑磷而靖冥歛欬赫以
歲魄儵巖良而齋停峒堯壯於天漢紛攢羅而混成瓌
殊俶儻不可殫形况兮忽兮擬膠葛騰九閩接耀魄之
威神幹璇璣而緯高明羌躡躡以輻螭魂悚悚其若驚
爾乃登泰階之三重遵軌塗之盤曲鈎陳縱橫以匡衛
閣道駛駭而延屬仰而瞻之若燭龍之蜿蜒引扶光而

噴若木瀕而履之若巨鼈之顛負運九垓而苞百谷團
殿般般以離立珠煥黃以相燭函網緼之元氣文何有
乎驟贖彼曾城與縣圃昔傳聞而今駭矚其上則觚稜
高標金爵翹翹琉璃鱗鱗劃霓摩霄織烏顧兔出沒扶
搖屹華表以縈旬始莅颯掇乎斗杓簷牙翔而阿雷奮
絕浮景而翻碧寥其下則釳砌瑤礎右平左城承以峻
基廣以夷石盤以蛟螭塗以朱碧鞏若崑崙鎮奠南極
前方繒綾磴磴即即其中則縣絲房桓耽耽層覆梅梁

揭宇藻井承漏樽櫨榭椽修椽曲校飛椽浮柱支撐環
句題那衝從以霞張桷棟姸姸而霓糾傍天矯以紺間
遑沛艾以赴蟻上翫麗以互經下卉欵而騰湊玉繩倚
扼於與宦瑤光燭朗於突牖轉根度閩蠖略鴻溶網戶
翠錢金鋪瑣牕五采爭勝流烟走虹壁門洞開璀璨玲
瓏流蘇縣璫招搖從風文鏡曲瓊熒熒雍雍鼉采夜光
之飾與瀨氣而相通迭蕩蕩以窅豁忽眴眴而冥濛冢
五城而張六幕終紛員而莫窮其外則輦路纚連繚垣

周迴複道遐阪達於平臺玄厲黃磬間以玫瑰苑苑葱
菁垂楊大榭永巷迤邐是為總街乃顧二門業業將將
日精月華左右相望鬱儀望舒駐轡而驤重闌逾延開
闔陰陽試舉其名則維百福與千祥杳騁鶩以窳窳
重櫛而攀天梁東望文華蒼龍守闈上憲攝提析木之
津啓搖山之碧鏤跡荔丘之寶輪冊府申觀圖書萃珍
危閣間館昱爚嶙峋西望武英金虎環陞象彼蜚騰衡
石積層牙璋葆旅森動雷厲蒿室蘭唐截紫迤遞披垣

之外周虛宿衛於前則華蓋謹身通於奉天實應太一
文昌太微三光之廷帝車運衡合契軒轅鶉光溥照燁
燁在焉垂拱中宸恭默如淵於後則坤寧噦噦含貞符
矩位正玄枵星躔婺女抗虹扶棟鑿翠開籞四榮雲譎
萬拱菱杼玉卮金缸鵬騫鳳舉儷我宸極以為內主若
乃仁壽清寧問安承顏黔干黃祗倬彼玄間彼昭德興
泰長春百花諸宇則又儲靡曼而列幽閒衝風颺乎闕
幕散或或之椒蘭紅繡績與機杼儼河鼓之天孫函菱

莢以晞日珩瑤夏子珊珊爰設六尚以掌九室冠袍鞬
鞞其儀有似彤瑄煒煌伊違斯弼叙燕寢之條紀恒授
環而戒逸銘槃鑑以昭警司精微於密勿爾迺暖殿弘
敞青軒彤墀帳設甲乙翠被絳椀霍落簾櫳晝晷累愆
循除而架有筮有籥盪頂重椽榭牙列施方亭曲榭獸
鑰陔陔歷夫欽安仁智乃瞰百子之池游儵澆潏汎淡
連漪鳴鳧翔鵠頡頏栖遲植芭蕉與芙蓉靈囿莽乎萋
萋監宮鶴立以企幸賤虬幄而睨龍旗黃衣有徒灑掃

供事儀文璽綬以及櫪駟監局之號二十有四銀瑤珥

貂時維閭寺挈壺之設於彼外闈蓮燈蚪漏貯水運機
偶神按候與天弗違鷓沼鵲樓黎旭熹微鼓登柝應雞
人呼旦蟲飛而會盈燎輝而色辨天子乃駕鸞蓋鏗鯨
鐘清黃道出紫宮端門載啓執法當中左掖右掖星共
雲從羽林森森而就次旒頭髻若其蒙茸自三能而逮
即位莫不矢心於重瞳明庭景昃玉未遑食庶采既臚
乃還宮而定息猶糾虔乎天刑夕惕厲乎衮職守琬琰

之彛章鋪鴻藻而立極誕茲宮之成也聖神聿興時維
綴旒信帝心之簡在用迓德而彰景休皇興發迹乎郢
甸鳴玉鸞之啾啾歌斯干以考室非鬼神而就謀軫民
役之勞疚仰先后之懿猷蓋奕奕款款抗抗如也於是
帝幕霄縣緹帷宿設雲構呀赫登降詘折龍趨虎視遠
瞪近察披撻竒妙規矩相叶神移天運俞哉匠哲躡牢
籠乎宇宙挹三辰而可擷山川瑣尾而在下九野鏜鏜
而昭晰威靈旁魄而四塞規萬世而妥洪業乃念宣廟

圖揭豳風稼穡艱難景觸心融乃念敬考調元習靜光
祚思賢永言顯聖是以服閑邪之炯戒體慎獨之微言
追往初之遐躅襲得一之自然曰出王與游衍恒對越
乎昊天昧爽兢兢而練要蓋冥心乎馮翼之先於是乎
革靴政尚仁厚興禮樂韜甲冑振幽滯揚側陋咨九扈
禮三壽乃郊上玄以昭在宥聲從海流澤與霖究覆露
入於毫芒猶閨澤而敷茂慶霄拔而嘉穀穎顯肸蠶之
純祐然猶嘆其休烈懋謂小康斥去竒哀以謹急荒郵

大駮而問道誦丹書而自彊攬日月以為明摛雲漢以
辨章前蜚廉以渙號後屏翳使服箱靡握譽而為網旄
濛頤而驟昌光驅豐隆與列缺砰震曜乎鬼方永合德
乎泰清絃六合而為網誅曰灑灑奧區晷曠釋麗麻神
靈兮睢睢盱盱泛泛溘溘連廣廷兮戴盆掩袂晞天障
日紛萬情兮維皇建極維聖存誠刪天經兮婞約脂韋
玄潛乘隙洞蘖萌兮沕滴曼羨錫胤墮祉佗頌聲兮時
乘六龍昭受休嘉億斯齡兮

漢宮春曉賦有序

明徐世溥

孝武皇帝既感子虛上林之事元光四年春晨游後宮
意動趣駕召司馬相如為賦相如進曰臣鄙人未覩宮
中之實所稱雲夢上林徒意為之且夫子虛烏有又何
足為天子道乎必不獲謝昧死請得縱觀宮中於是上
詔宦者導從相如著籍得縱觀宮中三日既罷賜洗沐
一月賦奏天子稱善傳示宮中贈遺累萬以相如為郎
其詞曰

夫何春暉之窈窕兮澹裔裔乎依人被陵原以殊姿兮
草木寤而懷新超逍遙以入宮兮歷阿閣而詎尋颺遠
近其同芳兮善翩翾以窺襟搖壁璫之參差兮羌孰辨
其笙琴闋彼燕趙之嫋麗兮徂四序於閒深維風雨之
增歎兮既頽思於柔衲曰明月其猶可愬兮竊獨悲樂
夫旭日之初臨始昭藐以睨牖兮若含笑而流波繼躑
躅以少進兮逞嬉顏而逾和遂偃蹇而狎人兮鑿旖旒
之垂羅射網戶以返照兮璐階瀨而生霞灼未央之崔

嵬兮馭娑騎虹以駕梁鬱杙詣與發越兮疎犀庇而虛
翔躋披香以經芷若兮金鋪絕何煌煌煜煜千門之寶甃
兮青熒下上而連光暉先晞西盤之濃露兮遂左陰而
右陽於是鷓雞罷舞交鶯變聲鐸傳長信鐘殷承明周
虛競闐訇若雷霆錦衾回夢綺幄齊驚怯餘溫而戀枕
兮欣初照而俄興怡擬怡悵淑態無方娟然揚眄光在
屋梁苑香入幕蔓影侵牕潛理私束盥飾明妝修鬢鬢
摘領裳端鼓宜否織悉審詳亦有宿倦未解獨弛珠簾

薄裝舊襦幽靚自然衰紈匪澣娟鬢從偏就庫闥以仍
憇兮拭曼睫而猶矇紛敏緩之異性隨矜懈以殊妍爾
迺颺霧縠鳴珮珮拂琳瑯步容裔違洞房踐瓏砌乍相
見吐蘭蕙詢宵夢之若何兮論新飾之同異則有先秋
擣素乘旦漱裳懸練擬瀑搓帛疑霜或篲絡於鍼縷眇
凝睇以秋思摘經夕之條蕊相栖翥之所宜誰與奕者
遠識棋聲纖手稱敵並坐皇英云誰穉笑擗草葺嬉角
多行罰祕異為私乃有連袂出游三五為曹或俯鏤檻

或眺靈霄攝裾防胷揄袖迎飄故匿叢分萼侶乍隔葉
兮相招同有望而期造惜綦履以擇蹊遵微行而容與
漾深竹之流颺忽焉莞爾倩頰橫春折柔豔翳華簪鏡
清流澹宜人乃賦香秬有鳧鴛鴦振鷺暴羽孔雀賓暘
馴禽就食颯沓成行忘調饑之仞仞兮綽解泰以相羊
當日之班擲泚之餘肅趨長樂溫室渠渠雕檐開曙煥
若神居白髮嚴藹姪娥侍梳悵盤桓列諸殿端闈盡開
昭陽特掩見庭燎之遺燼知和鑿之流宴惕愴况以自

憐哀芳煙之未散若乃絃桐既擇剗管繁興新謠競奏
關關嚶嚶淒若離鴻兮應霜汀雖若鳳戲兮雲中鳴肅
若微風濯木挾蛩吟諧若雨澗潺湲雜松聲聞之者莫
不沈澆溶滄渺渺怍怍故能使曉日為之緩午而浮雲
不生也或佻傚以巧笑或僂僂而姍舉或莊凝以正色
或惜媿而恬嫵莫不音度旋日停波之曲影貯桂棟杏
梁之宇細腰膩理鉛妝萬千離宮別館三十六所強為
樂之多方兮諒難得而備數也亂曰盛年深宮掩寂寞

兮晚晚桑榆去人違兮春回鮮榮如夢覺兮萬戶箏謳
樂莫樂兮一人承恩兮羣翠顰光潑潑兮愁人心宮闕
崢嶸兮日下遲烏負影兮昭陽飛揚裊烟兮蠶吐絲宮
中春兮春不知

明堂賦 有序

唐李 白

昔在天皇告成岱宗改元乾封經始明堂年紀總章時
締構之未斲痛威靈之遐邁天后繼作中宗成之因兆
人之子來崇萬祀之丕業蓋天皇先天中宗奉天累聖

纂就鴻勳克宣臣白美頌恭惟述焉其辭曰

伊皇唐之革天創元也我高祖乃仗大順赫然電發以
首之於是橫八荒漂九陽埽畔換開混茫景星曜而太
階平虹蜺滅而日月張欽若太宗繼明重光廓區宇以
立極綴蒼昊之頽綱淳風沕穆鴻恩滂洋武義烜赫於
有截仁聲馭沓乎無疆若乃高宗紹興拓統錫羨神休
旁臻瑞物咸薦元符剖兮地珍見既應天以順人遂登
封而降禪將欲考有洛崇明堂惟厥功之未輯兮乘白

雲於帝鄉天后勤勞輔政兮中宗以欽明克昌尊先軌
以繼作兮揚烈聖之耿光則使軒轅草圖羲和練日經
之營之不采不質因子來於四方豈殫稅於萬室乃準
水臬攢雲梁磬玉石於隴坂空瓌材於瀟湘巧奪神鬼
高窮昊蒼聽天語之察察擬帝居之將將雖暫勞而永
固兮貽聖謀於我皇觀夫明堂之宏壯也則突兀曠曠
乍明乍蒙象太古元氣之結空巖從頽沓若鬼若葉似
天閭地門之開闔爾乃劃峯巖以嶽立郁穹崇而鴻紛

冠百王而垂勳燭萬象而騰文宰惚恍以洞豁呼嵌巖
而旁分又比夫崑山之天柱矗九霄而垂雲於是結構
乎黃道宕堯乎紫微絡勾陳以繚垣闔闔而啓扉崢
嶸嶒嶸粲宇宙之光輝崔嵬赫奕張天地之神威夫其
背泓黃河垠漱清洛太行卻立通谷前廓遠則標熊耳
以作揭豁龍門以開闔點翠彩於鴻荒洞清陰乎羣山
及乎煙雲卷舒忽出乍沒岌嵩噴伊倚日薄月雷霆之
所鼓蕩星斗之所伍仡擊金龍之蟠蜿挂天珠之硤砢

勢拔五嶽形張四維軋地軸以盤根摩天倪而創規樓
臺崛岉以奔赴城闕嶽崱而蔽虧珍樹翠草含華揚蕤
目瑤井之熒熒拖玉繩之離離擷華蓋以儻泝仰太微
之參差擁以禁扃橫以武庫獻房心以開鑿瞻少陽而
舉措採殷制酌夏步維以代室重屋之名括以辰次火
木之數壯不及奢麗不及素層簷屹其霞矯廣廈鬱以
雲布掩日道遏風路陽烏轉景而翻飛大鵬橫霄以側
度近則萬木森下千宮對出熠乎碧光之堂炁乎瓊華

之室錦爛霞駁星錯波泐颯蕭寥以颼颼宵陰鬱以絲
密含佳氣之青葱吐祥煙之鬱律九室窈窕五闈聯縣
飛楹磊砢走拱黃緣雲楣立岌以橫綺彩桷攢欒而仰
天皓壁晝朗朱甍晴鮮頰欄各落偃蹇霄漢翠楹迴合
蟬聯汗漫沓蒼穹之絕垠跨皇居之大半遠而望之赫
煌煌以輝輝忽天旋而雲昏迫而察之粲炳煥以照爛
倏山訛而晷換誇蓬壺之海樓吞岱宗之日觀猛虎失
道潛虯蟠梯徑通天而直上俯長河而下低玉女攀星

於網戶金娥納月於璇題藻井彩錯以舒蓮天牕翹翼
而銜霓扶標川而罔足擬跟挂而罷躋要離欵矐而外
喪精視冰背而中迷亘以複道通乎掖垣全入西樓實
為崑崙三事庶尹正儀躅以出入九夷五狄順方面而
來奔其左右也則丹陛粲粲彤庭煌煌列寶鼎歌金光
流辟雍之滔滔象環海之湯湯闢青陽而啓總章廓明
臺而布玄堂儼以太廟處乎中央發號施令采時順方
其間闔也三十六戶七十二牖度筵列位南七西九白

虎列序而躩踞青龍承隅而蚘蟻其深沈奧密也則赤
燦掌火招拒司金靈威制陽汁光摧陰坤斗王土據乎
其心若乃熠燿五色張皇萬殊人物禽獸奇形異模勢
若飛動瞪盼睚眦明君暗主忠臣烈夫威政興滅表賢
示愚於是王正五月朝陽登曦天子乃拖蒼玉轡蒼螭
臨乎青陽左个方御瑤瑟而彈鳴絲展乎國容輝乎皇
儀傍瞻神臺順觀雲之軌俯對清廟崇配天之規欽若
肸鬯維清緝熙崇牙樹羽熒煌歲蕤納五服之貢受萬

邦之籍張龍旗與虹旌攢金戟與玉戚延五更進百辟
奉圭瓚獻琛帛顛昂俯僂儼容疊跡乃潔菹醢修粢盛

奠三犧薦五牲享於神靈太祝正辭庶官精誠鼓大武
之隱麟張鈞天之鏗匄孤竹合奏空桑和鳴盡六變齊
九成羣神來兮降明庭蓋聖主之所以孝治天下而享
祀宵冥也然後臨辟雍宴羣后陰陽為庖造化為宰餐
元氣酌太和千里鼓舞百寮賡歌於斯之時雲油雨霈
恩鴻溶兮澤汪濊四海歸兮八荒會喙眡乎區寓駢闐

乎闕外羣臣醉德揖讓而退而聖主猶夕惕若厲懼人
未安乃目極於天耳下於泉飛聰馳明無遠不察考鬼
神之奧推陰陽之荒下明詔班舊章振窮乏散教倉毀
玉沈珠卑宮頽牆使山澤無間往來相望帝躬乎天田
后親於郊桑棄末兮反本人和兮時康建翠華兮萋萋
鳴玉鑿之缺缺遊於昇平之圃憩乎穆清之堂天欣欣
兮瑞穰穰巡陵於鶉首之野講武於驪山之傍封岱宗
而祀后土兮掩栗陸而包陶唐遂邀崆峒之道禮汾水

之陽渴飲沆瀣之精英黜滋味之馨香貴理國其若夢
遊華胥之故鄉於是元元澹然不知所在若羣雲從龍
衆水奔海此真所謂我大君登明堂之政化也豈比夫
秦趙吳楚爭高競奢結阿房與叢臺建姑蘇及章華非
享祀與嚴配徒掩月而凌霞由此觀之不足稱也况瑤
臺之巨麗復安可以語哉敢揚國美遂作辭曰穹崇明
堂倚天開兮龍從鴻濛構瓌材兮偃蹇塊泝遊崔嵬兮
周流辟雍爰靈臺兮赫奕日星噴風雷宗祀於蠻王化

恢鎮八極兮通九域四門啓兮萬國來考休徵兮進賢
才儼皇居而作固窮千祀兮悠哉

明堂賦

唐劉允濟

大哉乾象紫微疏上帝之宮邈矣坤輿丹闕披聖人之
宇聿觀文而聽政宜配天而宗祖體神化以成規應靈
圖而立矩度七筵以垂憲分四室而通輔合宮之典鬱
乎軒丘重屋之儀崇於夏禹因殷成於五帝繼周道於
千古統正朔之相循起皇王之踵武大禮興而三靈洽

至道融而萬物覩其在國乎惟聖踐極配永登樞決生
成於大治銷品彙於洪鑪貫星象而調七政列山川而
宅五都開洛陽之寶籍受河關之禎圖總夔龍於國序
集鷓鴣於天衢包壯葉於玄頊籠景化於黃虞功既成
矣道既貞矣荅后土之嘉祥謁上雲之殊祉望仙閣之
秀出瞻月觀之宏峙鏤紅玉以圖芳蕭龜壇而薦祀道
不言而有洽物無為而自致嚮明南面高居北辰屬天
下之同軌率海內以嚴禋想雲臺以應物考明堂以臨

人協和萬寓懷柔百神降虔心啓靈術采舊典詢故實
表至德於吹萬起宏規於太一欣作之於有範佇成之
於不日工旅奔競人皆樂康訪子興於前跡揆公玉之
遺芳順春秋之左右法天地之圓方成八風而統刑德
觀四序而候炎涼跨東西而作甸掩二七以疏疆下臨
星雨傍控煙霜翔鷲墜於層極宛虹拖於遊梁崑山之
玉樓偃蹇曾何髣髴滄海之銀宮煥爛安足翱翔於是
覽時則徵月令觀百王綏萬姓肆類之典攸集郊禋之

禮爰盛衣冠肅於虔誠禮樂崇於景令三陽再啓百辟
來朝玄纁霧集旌旆雲搖湛恩畢被元氣斯調羅九賓
之玉帛舞六代之咸韶澤被翔泳慶溢煙霄穆穆馬煌
煌焉粵自開闢未有若斯之壯觀者矣煥乎王道昭賁
三才遠乎聖懷周流九垓鴻名齊於太昊茂實光乎帝
魁泱羣山於雨露通庶品於風雷盛矣美矣皇哉唐哉

明堂賦

唐任華

粵若稽古巨唐千靈累聖二葉重光思文烈以宗祀象

天地之圓方考遺訓建明堂俯南端之赫赫擷北極之
鏘鏘盤螭黝糾捧神珠而高翥遊鷗翕習仰層檻以迴
翔星辰出納於疏牖虹蜺縈帶於軒廊遠而望之若扶
桑吐日生高岡近而察之若叢雲轉蓋陵昊蒼屹崢嶸
以岑立漫離披而翼張其奧祕也懿渾退槩靈仙髣髴
肅枚枚以實實宵眇清爽日月來往赫昉昉以煌煌階
陞嶙峋而分據欒櫺磊落以相望實造化之難測非翰
墨之所詳吾君正冠冕垂衣裳佩玉璽腰千將猛簾列

崇牙張百揆時序萬國來王敦行尚年既在南而近夏
貴仁親族乃居東而向陽中主尊於太室西導德於總
章務兢兢之孝理匪晏晏之樂康然後知嚮明之位正
隨時之教盛因方備色乘五運以順行選士養賢崇四
學而敷令豈直若斯而已哉其宮十二以象辰行水四
周而為海堂筵楣徑可以見乾坤之籌策暑往寒來可
以知六九之變改室也州之數牕也卦之在高得黃鍾
之實柱懸列星之彩畢千古之能事終一人之不宰至

有虞之總章期夏后之太室殷重屋以五周太廟以七
伊數君之餘制各殊塗而並逸雖信美於當年是無取
於今日別有清河絳鳥長沙求贄討論公玉之圖錯綜
伯喈之議儻繡栴之有漸庶青雲之可致

明堂賦

唐王 諲

大唐混合寰宇開張時雍體黃中之一德居紫微之九
重既而成化再造天下有道得彩鳳之靈圖據飛龍之
大寶美其歷數會昌累葉重光真宰無為盛先天之景

業聖人有作立配帝之明堂寫神規之大造嶷崇丘之
正陽燁燁爛爛熒熒煌煌徒觀其藻畫周設雕刻具美
綺寮豁達以生風重檐周流以藏暑巖峯崎嶇狀崑岳
含霧而插天衢隆崇碑斲若蓬萊駕鼈而涌海水屹乎
氤氲孤標紫氛璇題皓飾金鋪洞文拱星辰以端居傍
眺白日馮軒檻以直視俯見青雲爾乃環曲折構重屋
蓮銜綺井豔窳叱以垂珠階接彤庭影連延而造玉若
夫靈姿衆出詭變叢生畫拱攢施龍栴參崖以星布陰

室晝朗粉祀皎曜以月明及夫四海波晏一人有慶寒
風初盡陽月既正蠻夷颯沓以來王文物歲筵以交映
信所謂不宰而合通居中而作聖

明堂賦

唐于治

天子朝諸侯於明堂惟古之制始以講信修睦終以布
憲施惠合至德之休光旌中國之巨麗下之象地也以
列五位之神上之法天也以配五方之帝稟太一之威
靈順陰陽之開閉左个右个分以寒暑之宜以筵以几

度以堂室之際觀乎萬國來朝威儀濟濟聖乃負斧扆而南向以布政百僚端冕弁而北面以陳禮是知人以君為心君以人為體宴會之節以明於尊卑慶賜之儀以旌於孝悌原夫宅中而起繼天而作遙眈嵩少俯枕伊洛巍巍煌煌厥高不可乎彌度挈龍櫺以蚴蟉亘虹梁而各落絳以綺藻施以丹雘四闔以四氣而開八牕以八風斯廓祥風布影對寶檻以交輝皎日懸光曜金牀而璀璨於是陳三獻之禮臻九成之樂申儀於辟雍

崇業於太學甄古今之至理議沿襲之踏駁既而順斗
極運天關皇恩普矣貴賤以頒東門之外以朝乎九國
南門之下將享於八蠻正德是弘惠風斯布禁淫慝節
制度重三台之任乃申命於中階寵五霸之功遂授鉞
於東戶夫明堂者明帝之德體天為狀必資闡化以準
程豈獨弘規而取壯出庶物而咸仰包宇宙而為量惟
先聖之是則信百代之可尚

明堂賦

宋 范仲淹

臣聞明堂者天子布政之宮也在國之陽於巳之方廣
大乎天地之象高明乎日月之章宗百王之大觀揭三
宮之中央昭壯麗於神州宣英茂於皇猷頒金玉之宏
度集人神之丕休故可祀先王以配上帝坐天子而朝
諸侯者也粵自蒼牙開極黃靈耀德巢穴以革棟宇以
植徹太古之弊明大壯之則風雨攸止宮室斯美將崇
高乎富貴之位統和乎天人之理乃聖大造明堂肇起
明以清其居堂以高而視壁廓焉而四達殿歸焉而中

峙禮以潔而儉必表之以茅教以清而流故環之以水
暨二帝之述焉合五府而祭矣逮夫夏禮秩秩奉以世
室商祀穆穆制以重屋神禹卑宮階以一尺之崇成湯
受命革以三尺之盛赫赫周堂制度景彰七筵兮南北
之廣九筵兮西東之長堂并包於五室室辨正於五方
面明堂而背北室左青陽而右總章眈然太室巖乎中
黃都徽名之在南取盛德之向陽或謂厥堂惟一厥室
惟九闔闔其三十六戶疏達兮七十二牖亦規上而天

覆復矩下而坤厚近郊之宮廣而能受通天之宇高而
弗偶八方象其幅幘九陛參其前後肅肅焉聽政之廟
應辰而周彰趙趙焉承天之柱列宿而相望環林兮葱
葱圓海兮泱泱既方舟而經梁復素飾其迴牆陳位序
以有嚴議法象而必臧示邦域之景鑠期人神之樂康
左有辟雍天子學宮墳籍浩以明備文物森其會同奉
三壽以勗天下之孝設三之以勸諸侯之風右有靈臺
庶民子來若經始於神明迺占候於昭回天之道也惟

默默以有象聖之心也蓋惕惕而無災此三雍之大者
故百世以欽哉若夫約周之禮稟夏之正天子升青陽
之位體大德之生彼相協謀有司奉行慶賜必均歷象
必明布農事於準直習舞德於和平止伯益之伐木禁
蚩尤之稱兵惟倉廩兮賑天之窮惟幣帛兮禮邦之英
無隱不彰無潛不亨蒙蕩蕩之至仁浸灑灑之醇精此
明堂之春也萬物為之榮又若炎以繼天曦以永日始
於仲呂之管復於清宮之律天子乃登諸明堂暨夫太

室命盛樂以象德致大雩以祈實升高明而有豫定心
氣而無逸靜百官之事驅五穀之疾無索於關無難於
門止北伐之威以助養於生生導南風之和以飾喜於
元元此明堂之夏也萬物為之繁爾乃象正火位德王
金行鴻漸于以南嚮穀萬斯而西成天子乃居總章之
輿奏清商之聲圖有功而專任詰不義而徂征修法制
以謹收藏之令養衰老以惻搖落之情同我度量平予
權衡人社以崇厚兆民報本之志神倉以祕示萬邦致

孝之誠此明堂之秋也天下為之清及夫蟲介時分虎
威夕永詩人發其涼之詠日官賓可愛之景天子乃北
堂以居南面而省錫飲烝之慶從祀寒之請於是戒門
閭備邊境勞三農於休息警百辟於恭靖關市必易宮
室必整無用之器斯徹無事之官必省飭國典以俟來
歲之宜講武經以肅萬邦之屏此明堂之冬也天下為
之靜斯乃順其時與物咸宜適其變使民不倦者也稽
夫宗祀之文大享之辰上儀乎皇皇盛節兮彬彬比於

郊也我則取文之勝方其廟也我則取質之純損益其禮尊嚴其親五天之座曄曄以陳五帝之席奕奕而倫惟太室之位迺上帝之神作配者先王從祀者五臣樽罍離離玉幣莘莘牲牢之舉既遵於夏后蔬果之薦復本於周人禮無不當誠無不臻聖人於是出齋宮而肅肅被法服而循循酌一獻以從質躬百拜以表寅司儀實相樂正攸賓進俎豆之吉蠲羅奠簋之輪囷六樂咸在統美乎列皇八風相盪同和乎大鈞下舞上歌蹈德

詠仁非常之祭駿奔者萬國其大之孝蟻懷者兆民於是神醉其德人樂而極太史書於策大夫頌於國頌曰明堂崇之明王祀之禮以成之樂以歌之光天之下教以化之若夫元朔會同羣后對越穆穆乎舜門之闕晰晰乎宣燎之發帝時待旦而久求衣以先紆黃組冠通天建日月服乾坤佩干將升崑崙進山岳之圭當雲龍之軒正聖人之大寶示天下之有尊巍巍焉負宸而立濟濟焉辨色而入太常正其等衰九賓序其名級中階

之前三公屹然應門之外九采祭焉阼階之東諸侯以同西階之西諸伯以齊門東北面者子之位門西東上者男之次東門之外則有樂浪蟠木九夷之國西面而北上西門之外則有蒙汜大秦六戎之屬南上而東向南門之外則有朱垠越裳八蠻之族唯北是望北門之外則有葷粥幽陵五狄之種唯東是尚於是兢兢旅進鏘鏘肆覲嚮明者蓋取諸離觀光者受之以晉君臣之位定禮樂之道振雅韶以奏文鐸以徇皆望雲而就日

必歌堯而頌舜上和而下樂金聲而玉潤况夫晨光赫
曦天顏弗違冕紱兮霞集玉帛兮川歸盛乎王庭之聲
明煥乎天象之光輝若北辰之會衆星咸粲粲而在共
如太陽之臨多露普湛湛而將晞莫不君三指於上臣
戴拜於下行典禮揚風雅訪雋良議窮寡人曷幽而覆
盆賢曷惻而遺野於以盛名器於以休宗社署聖法於
圓闕馳神教於方夏皇哉耀今昔之榮觀至哉敷億兆
之純嘏故曰揖讓而治天下者明堂之謂也惜乎三代

以還智者閒閒諸儒靡協議者喋喋而皆膠其增損忘
禮樂之大本泥於廣狹廢皇王之業使朝廷茫然有
逾遠之歎惘然有中輟之議殊不知五帝非沿樂而興
三王豈襲禮而治為明堂之道不必尚其奧行明堂之
義不必盡其制適道者與權忘象者得意大樂同天地
之和豈匏竹而已矣大禮同天地之節豈豆籩之云爾
自漢魏之下暨隋唐之際堂或三五之上道非三五之
世蓋不取其厚而取其薄不得其大而得其細享配之

文或然未分政教之烈斯焉弗聞是則帝道不施胡取
乎總期皇德不隆胡取乎合宮故夫明堂之設也天子
居之日敬日思思之何也萬微存乎消息敬之何也兆
靈繫之安危繇是惟克念以作聖思堯舜之齊名懼魏
巍之弗逮迺孜孜於雞鳴唯至平之休代思阜財於吾
民懼四維之有艱尚瘡痍而百宰故聖人之實儉弗下
剝而上侈思寡費而薄索民庶幾於格恥惟下武之太
寧亦省躬於干戈取諸豫於四方慨風雲以長歌惟知

人其古難思濟濟乎賢者蓋舉一於臯陶迺連茹於天下惟好生之至德思與物而為春懼幽陋之靡及常咨命於仁人惟及人之一德始若晦而彌彰故三五之君子騰茂質而無疆惟皇極之大範思天下而與平懼萬物之或差時我心於誠衡然後見天下齊於無體和於無聲厖眉而壽吾何仁之有含哺而嬉吾何力之為但淵淵繇繇無反無偏浸淳澤以咸若樂鴻化於自然此明堂之道也蓋無德而稱焉我國家凝粹百靈薦馨三

極東升煙於岱首西展琮於汾側未正天神之府以讓
皇人之德祖考來格俟配天之儀諸侯入朝思助祭之
職豈上聖之謙而愚臣之感也臣請考列辟之明術塞
處士之橫議約其制復其位儉不為其陋奢不為其肆
斟酌乎三王擬議乎簡易展宗祀之禮正朝會之義廣
明堂之妙道極真人之能事以至聖子神孫億千萬期
登於斯念於斯受天之禧與天下宜而已乎

明堂賦

元祝蕃

有大人先生問予以明堂之制者予趨而進拱而對曰
厥維明堂王者之宮爰自黃帝合宮肇名堯曰衢室舜
曰總章世室重屋建於夏商逮夫成周厥制乃備分室
疏牖列筵度位於以朝諸侯於以享上帝於以宣皇風
於以順四氣雖帝王之文質不同而名數之損益各異
然要其終則皆天子布政之宮而非辟王遊逸之地也
爾其厥初經畫之始命共工以鳩材詔哲匠使運智爰
度國陽審曲面勢倣紫宮之陰陽值心宿之所麗上圓

象天下方法地洞四方以疎門則三台以列陞其戶則三十有六其牖則七十有二若夫東西南北之修廣則七筵九筵之異制采緣不琢所以昭其儉丹雘不御所以戒其侈方其朱鳥中見仲春是殷羣蟄咸啓勾萌方新天子乃御於青陽統和天人發號施令布政行仁流資始之大化與萬物而為春若其孟季之月則有左右宮之分陳及乎大火既中仲夏斯正南薰所被品物咸盛天子乃御於明堂以布夏政興阜民之歌發解愠之

詠慮陰陽之始爭乃齊慎以怡性亦互開其左右以分

處乎季孟至若虛正秋仲天高日清萬彙斯遂穡事乃

登天子乃御於總章以秩西成或巡狩以省斂或詳讞

以修刑嘉民氣之既夷相與慶乎升平乃闡明堂之右

為其左以為孟月之室啓玄堂之左為其右以為季月

之廷及乎日短星昴殷於仲冬民事咸畢歲功告終天

子乃御於玄堂允釐百工計來歲之國用會收藏之富

豐喜一陽之來復運元氣於無窮若其孟季之月亦分

處乎左右之宮惟土王於戊巳斯中處於太室閔弗備
乎中氣乃出居於門中斯則明堂之制之見乎月令者
如此而周公朝會之制則有異而有同也厥後漢武事
務夸大濟南獻圖寔公玉帶甘泉明廷語既傳會崑崙
道上事益神怪至於洛陽寔為東京建武之所創始永
平之所經營制度益密頌聲乃興暨靈臺以辟雍曰三
雍而並稱雖未足比隆於三代亦庶幾乎不媿於斯堂
之名若夫李唐之肆侈飾乾元而屢更宜天心之弗享

昇烈士之火城方今聖天子襲世德承天休萬國獻圖
籍四海酣歌謳靈臺嚴太史之測候辟雍藹多士之藏
修獨明堂之未建豈王度之靡周蓋禮樂興於積德正
有待於皇上之黼黻皇猷也於是大人先生喜而歌曰
於赫皇元車書同兮文治聿興千一之逢兮厥惟明堂
王者之宮兮制作有待在皇上之躬兮適觀厥成吾與
子歌三雍兮

明堂賦有序

元邵憲祖

明堂之設也自黃帝至於三代雖制異名殊皆所以崇
祭祀朝諸侯養老授朔也降自後世諸儒誦講此是彼
非竟不終作惟漢武帝唐武后有所崇創而窮奢極侈
夸耀一時先王之事無聞焉故設為答問極衆人之所
炫耀折之以孔孟之辭其辭曰

涉無公與佚處先生遊於廣漠之野憩於無懷赫胥之
庭涉無公曰子衣逢掖之衣冠章甫之冠言稱堯舜行
式孔顏陶寫古今塗黃點丹然而一物不知儒者所恥

百王繩繩代殊事異宗以明堂殷以大禮緣飾乎文章
嘉美乎祥瑞奕奕皇皇天人禘祀子聞其制而知其說
乎先生曰未也涉無公曰三代以前遐哉邈乎其文不
可得而徵也吾將語子以漢唐之制謂子以宏麗之規
恢子之心曾發子之志意子樂聞乎先生曰唯唯夫漢
唐之興也虎視關右龍位洛京序九族之敦睦致萬國
之攸寧煥文物之昭回將隆底乎太平卜明堂於少陽
環紫宮而作京嚮文明而已遠隘漱露於郊坰豐宏模

而大起規億載而莫傾瞻彼邃宇磊間晶瑩崔嵬山立
熠燿日升吁可畏也崑崙崑崙岨岨而通天辟雍沈澗而縈
霓門延九階堂中五室玉葉戢戢而負青蜃蛤煨煬而
塗楮斐文漂渺於八方晨光炯晃於四壁飛欄軒翥以
承霄疏柱汨越而鎮極雉角矯舉崇墉繚繚階級周迴
而等凡聖殿堂嵌巖而挹蒼壁燐灼五色赫燁炳燭方
徘徊於五間儼煌煌而崇秩濔濔汨汨岌岌堂堂蚴蟉
馴豢乎虬龍崕崕施靡乎巒岡忽蔽虧而曖眇茲靈靈

而采彰夾牕玲瓏而助明複道媿娟而韜光重屋四阿
高臺兩旁爍爍電繞暈暈翼張拔靈觀乎其中示天下
以不藏若乃巨扁紛題異制繁詭三三相重六九相比
青陽總章洞達融泄玄堂太室幽隱晶肩勢合形離高
塞遠題仍層屋而增盤筮通巷而纒纒四魚玄閭戶外
不閉閤焜耀而斐燧綴赤白而星麗應三統齊節氣別
九州法天紀修短各宜小大殊製柱植挺卓欄檻周迴
級拱櫺比重幹指鉞飛柳鳥踊大栒貫鉞方衡勒分陽

馬承隈天梁偃蹇而虹舉芝栴縷獵而雲堆枿榘紛糾
以承楫建瓴縷布而宗甑萬象仄冷通天傑出立木如
林增構如蜜珠龍斜礙於魁臙戶牖吞吐乎日月庭筵
廣均房戶齊一視聽罔屈出入忘術乃靈示之所鑒臨
人神之所昭集也天子乃命法駕乘鸞輅拖蒼虬扶白
虎昭袞冕諧律呂聿來明堂之宇爰祀五帝配享祖宗
澄心清魂齋莊肅雍維牛維羊壘溝醢醢飯鉶既潔菜
盛以六一獻授俎五官進熟神之格思縉紛其來撫璿

璣而下視降玉軼之神威帥雲陽開而陰閉翕赫精儲
而思垂介景福於帝躬錫嘉穀於蒸黎騰清霄於芻藿
闡乎莫知其所之爾迺進鳩玉於更老析圭爵於侯辟
招延儒雅詢求忠直容與乎義塗安居乎仁宅然後發
德號於庶邦播惠澤於四海歷列辟而論功次羣臣而
課最蠻夷蹙角而來庭焄然興道而自艾開六合之元
亨躋九有於熙泰遂致天階平秩坤維奠位三靈流應
二氣蠲癘麒麟遊其圃神爵來其樹醴泉發其滋甘露

零其砌諸福之物莫不畢至於是乎鴻生鉅儒鋪張揚
厲吐氣成文矢詞激句賦頌振聲歌謠接喙赫赫孔陽
昭昭靡替凡此盛事照曜青史皇元龍興君明臣良子
何不搜閱典故模寫漢唐溜珠綴辭摛藻連章獻策朝
廷之上庶興大禮而振皇綱佚處先生欣然笑曰僕鄙
人也游心道義不諧衆儒考索墳典研精詩書方陋漢
唐之阨僻而子為我言之乎且子不務古學徒訟繁儀
奢言侈靡昧等是非訐高言以駭俗雖紛紛其奚為惟

明堂之穆穆爰肇興於太古黃帝合宮之號虞舜總章
之日夏崇世室商夾重屋揭明堂於周邦昭文物之郁
郁雖有一殿五宮之列九筵七筵之異複道重屋之殊
八尺三尺之紀然而享上帝以崇禮朝諸侯以定儀養
三老以敦孝頌月令以順時同仁政之所出光聖世之
丕基是以尼父之歎魯圖冠冕而迭居者數姓祭日之
惡堯天之聖成王幼沖周公輔政棟宇非殊有德則隆
興無德則不競是以孟軻居齊宣王興問則答之以王

者之堂教之以行王者之政是以文質不必計析其制度今古不必符契於典章大禮豈徒玉帛之陳設大樂豈徒鐘鼓之鏗鏘要必施仁政於海宇襲芳躅於帝王奚用間間喋喋議論紛攘徒膠泥於增損孰得而究其短長方今盛明綱紀具舉仁侔三王德邁五帝濟濟廊廟出納獻替皇風被於四海禮樂光乎后裔今子乃欲後漢唐之為陳之帝王之世使後世好名之人殫財竭力以禍天下必子之言夫涉無公避席改容怵忽蹴踏

謹受明教服之無斃

御定歷代賦彙卷七十二